

玄覽堂叢書續集

第七冊

文寶堂藏書

卷之四

懷陵流寇始終錄卷八



吳江戴笠耘野



崑山吳爰脩齡

八年乙亥春正月壬子朔襄陽賊十六營掠唐縣泌陽又秦賊
盡集洛陽南陽河南巡撫玄默告急

左良玉等破賊于汝州之埽家川追至滕家店馬頭山蘇村葛
落店雙廟諸處斬賊渠二條龍雲裏飛穿山虎等百八十級
甲寅職方主事再劾溫體仁姦庸誤國請外

賊掠沔陽城固南鄭游擊唐通戰沔縣斬二百餘級副總兵左
光先戰城固斬百四十級

楚賊攻破清溪伯家寨繇星子山入蜀

賊數十萬有出大小巴山者有出陽平寧羌者

刑科吳宇英奏曰去春賊圍廣元臣族兄吳宇詹戰死今賊又

入巴山星子山洪承疇不宜失機自誤

討論曰此事吳紀載于四月而曰由楚清

溪泊星子山入無觀吳宇英疏語則星子山近巴山可知是

改并日月亦

乙卯賊攻上蔡郾城又有土賊萬餘人掠歸村徐寨瓦店與前

賊應鄧玘兵至賊已去

承天賊北行自葉縣掠郾城唐縣泌陽遂平上蔡攻汝寧息縣

商水有賊至鄭州西三十里

賊攻鞏縣門將破城人舉火於門不能入走汜水丁巳穿城入

殺鄉官禹好善繼至滎陽乘縣官出謁入城焚掠殺貢士張

紹載馬德懋等左良玉兵至斫賊二十人餘賊走梅山溱水間

戊午賊攻固始破之前有固始李某任徐州衛經歷捕得劫賊四十七人淮安同知釋之李仍斬之盜甚恨至是殺其一家自固始至開順殺巡簡六十餘人

時兵科給事中嘗自裕奏曰中原天下安危所係今賊一從商南雖南趨河南汝州一從鄆西上津走南陽雖有左良玉一旅塞新安澗池陳治邦喬國柱張巖數營扼汝州陳永福孤軍堵南陽賊勢日衆大小七十二營有二三十萬蜂屯伊嵩宛雒之間有侵汝寧鄭宋之勢今遣張全昌曹文詔秦翼明鄧玘諸將馳勦而兵不滿數千以杯水救車薪之火督師承

疇已自西寧還秦乞更選關寧兵五六千天津兵三四千統以廉勇之將遣大臣視師以救胃腹之患

己未洪承疇以標兵三千往擊河南賊而西安賊南至盤屋過渭水北掠乾州扶風河南賊又入漢中陷寧羌自沔縣略陽轉入臨洮

庚申賊自固始破霍丘知縣公出家人俱死縣丞張有俊教官倪可大何炳若邑紳田既庭等俱被殺有賊掠正陽鎮在壽州南六十里每賈所集又有賊向廬州時南陽諸縣俱中賊

揚州兵屯紅心驛賊圍而殺之盡

賊遊騎至天長六合間巡按張集發狼山徐州兵擊之退去

壬戌掃地王陷潁州指揮王廷俊戰死西門千戶孫陞田之震
戰死東門指揮李從師巷戰死知州尹夢鼈擊殺數賊被傷
墜水死弟士寬與妻崔氏二女俱死殺鄉紳張鶴鳴等及教
官諸生數十人諸生楊于世武舉李承訓百姓王國等皆被
殺一貞婦梅氏武氏等死者四十餘人賊分攻六安壽州鳳

陽廬州

討論曰關將甚闕
中吳紀誤也

兵部奏調西兵二萬五千人北兵一萬八千人更發關寧鉄騎
二千以總兵張外嘉尤世威統之又發真定標兵五千赴臨
洛等處天津兵三千以徐來朝統之自臨清濟寧赴歸德陳
州又徵白草子羅壩土司兵三千以川將譚大荅統之由夔
州赴鄖陽河南兵七萬二千備餉七十八萬六千又留湖

廣新餉十三萬四川新餉二萬供軍興詔可

張全昌曹文詔釋罪自効率兵出太原從吳姓薦也二將各有健丁數百衝鋒破敵賊聞而憚之吳姓云山西諸將標兵遊擊陳國威太原營都司猛如虎平陽營都司虎大威汾州營參將劉光祚勦賊都司趙民懷薛敏中數人予與商勦事察猛如虎虎大威二人忠樸可鼓賊中有猛虎之稱陳國威有權術可以佐之劉光祚狡趙民懷薛敏忠兵弱而能持重共計兵不滿五千精銳夷漢丁僅七百人各將聞予在秦鼓舞曹文詔及申嚴紀律等事皆策勵願自効

江西巡按梁雲構奏去歲流寇入蜀蜀多山寨而少村落不得不急去豫楚不然萬家之鎮千家之村三里一莊百步一宅

皆無列柵以自樊到處皆為戰場宜倣邊方之制村鎮各一堡莊宅合一堡聽士民合資自築萬堡棊列勢聯聲合盜賊可自緝矣

癸亥賊圍壽州

乙丑兵科給事中史可鏡奏秦賊繇漢趨鄖者數十萬商雒賊又數十萬今在汝州南陽而鄧玘曹文詔張全昌洪承疇皆自西北而之東南賊必駭而入楚楚之驍將楊正芳已殞所部軍卒存者無幾賊至何以當之宜調川東兵數千令其由巫歸而達荆南調鎮溪篁子兵絲辰營而趨荆門

鳳陽無城留守司統四衛所官軍承平日久侵牟僱募同於無人賊圍霍丘守備太監楊澤不為意壽州被圍始集議令留

守朱國相迎敵楊如桐後應知府顏容暄理鄉兵防守澤貧
虐商民洵洵懇之巡按吳振纓閉門不受商民集其門三日
益多適澤遣人至商民群毆之擁至太監署鼓譟振纓逃去
無鎮壓者亂民迎賊于額賊分闖王曹操過天星西行至太
和

丙寅掃地王太平王東霧趨鳳陵留守朱國相指揮呂承胤千戶
陳弘祖陳其忠迎戰无賊焚享殿釋罪宗太守顏容暄匿於
獄梓而杖之堂下二十殺之推官萬文英子某代父死指揮
陳永齡千戶盛可學百戶趙國俊无之舉人蔣思宸与妻女
皆自殺軍民紳士死者四千人剖孕婦以賭勝負擗標嬰兒
以為笑樂 自成留關中東來 淮撫朱大典調徐州總兵

馬彙睢州總兵駱舉為援皆逗留不至南樞呂維祺職方郎
陳洪謚遣參將薛邦臣駐撫趙世臣守浦口

上以賊勢披猖發關遼兵三千令祖寬將之勦賊較撫臣協力
命總兵左光先控臨洮鞏昌西安漢中曹文詔扼河南南陽
鄧玘隨方夾擊督臣承疇出關節制諸鎮撫期以六月廓清
立頒上賞如留餘孽督撫諸臣立寘重典巡按御史不奏并
論 上復諭承疇撫鎮不遵節度援師干犯軍紀者分別參
治務期依限蕩平進止梟不中制

時兵科常自裕奏臣鄉徧地是賊賊捨川岩走平原破記水滌
陽攻上蔡商水逼陳州鄆城周崇二藩皆在燎原之中非有
勁兵數十萬不能禦之上有左良玉陳永福數千之兵其何

以齊

丁卯洪承疇發西安率軍赴河南駐中道提調各兵

戊辰太監盧九德總兵楊御蕃以川兵三千援鳳陽總兵倪寵以京軍赴滁州游騎遇賊於朱龍橋分兵至池河定遠

賊掠全柵陳家市離和州七十里

賊攻壽州三日

己巳戴安鎮土寇導流賊圍全柵滁州和州

鳳陽賊分至池河呂維祺調提督趙世臣率浦口選鋒禦之又發都司薛邦禎屯全柵世臣不時至池河守將先之賊至全

柵知有備西攻廬州堅守得不拔維祺劾世臣罪閣擬反咎

調者蓋將去維祺矣

討論曰丙寅之薛邦臣且即此薛邦禎也而參將為虛銜都司為實職耳又与

本年十二月辭
有年事相似

賊渠張大受入鳳陽城率衆賊去連營紅心河池二驛殺守卒
大掠南京兵至賊西南至定遠焚藕塘距全椒十八里石碑
橋卜于神不利剗像而去在道殺掠無遺西返歸德睢州總
兵駱舉屯兵紅心驛去鳳陽六十里不敢進巡按吳振纓不
以實奏歸德賊轉攻寧陵

張獻忠南攻廬州裸婦人數千詈城下少媿沮卽鋌以矛盡銳
仰攻梯以入踞北城樓知府吳大樸發砲擊之賊樓俱碎城
得全

潁州分枝之賊由太和至鹿邑焚掠犯柘城掠村集又掠寧陵
至睢州焚掠李八集尹店集走杞縣通許向密縣不及千人

左良玉在許州不擊

掃地王攻亳州知州葉景先守東門戊辰賊數萬騎至有備不能攻暮退于柏樹林潛遣兵劫東門義兵奮擊殺數十人五鼓賊拔營赴北關餘賊徑去俄哨馬數十騎又至庚午掃地王全隊亘百餘里旌旗蔽空伐木填濠衆賊奔擁城上百計禦之賊知景先在東門悉衆攻之景先發火礮擊殺十四賊賊伏濠內伺懈景先遣健丁三千餘人夜縋城銜枚疾趨于五里外聲言淮兵援亳次日開城外揚兵賊走歸德分掠永城虞城商丘時賊掠六省騾馬一晝夜馳二三百里諸將步兵日行五六十里賊不入城郭散屯郊原占地百里不可得圍日殺民民愈少日掠民賊愈多去年賊由豫楚入鄭此年賊

由鄖入豫楚七十二營二三十萬不避官兵諸將所駐名都
大邑偏為走集鄖竹僻陋殊不屑意相去浹月賊勢大異
賊圍黃陂孝感官兵敗之其渠姓劉陝西舉人

辛未洪承疇出潼關

癸酉真定巡按吳履中劾大學士溫體仁王應熊及監視內臣
上切責之

甲戌鳳陽賊分破巢縣知縣嚴覺及妻莫氏死之子有記以身
蔽父死之典史徐諸生葛遇明同妻尹氏死之覺一作彥芳
又攻舒城知縣遂安章可試設備塞三門開西門賊入陷于
坑奔潰死者千人又掠霍山合肥臨淮圍六安掠民間婦女
數千裸之嘗于城下少媿沮即磔之聚焚嬰兒以哀號為喜

笑剖孕婦男女出所斷婦人足大小以較勝負食人心以示
勇生剖人腹實米豆以飼馬

乙亥河南賊過尉氏

總兵鄧玘敗賊于裕州斬三百六十級

鄆城知縣李振聲擒賊渠紫微星扒山虎

丙子賊攻碭山知縣宋坤守城被殺

上出內帑二十萬助餉貯適中處開封府以太僕寺銀十萬
付西安又留與本省銀十萬以湖廣餉銀十九萬資鎮算等
土司兵四川留銀四萬以鹽課二十萬貯淮揚備用初戶兵
二部議調兵七萬二千馬一万五千匹每兵日銀三分米一
升五合每馬日草一束為銀二分豆三升為銀二分作五月

計請發內帑三十萬

洪承疇至河南請勅四川撫鎮移駐夔州援襄漢湖廣撫鎮移駐承天襄陽鄭撫移駐襄陽漕督移駐潁亳進援汝寧歸德山東撫臣移駐曹濮援江北江南山西撫臣移鎮蒲州援靈陝西撫臣移鎮商州調度漢興漢中河南撫臣移鎮汝南南陽保定撫臣移鎮邯鄲磁州以為南北策應秦楚等現在兵馬聽各撫臣先行料理是日進兵部尚書賜劔得便宜行事承疇慮西安兵少令來昌胤以千人往又令張全昌以千五百人往助守

戊寅巢縣賊自舒城抵廬江邑人具貨求免許之夜復圍城三晝夜雨甚銳盡城破殺教官典史及鄉紳盧謙舉人張大受